

Փոքրամասնություններն ու քաղաքական կայունությունն Իրանում

Համառոտագիր



Մարդկային
գարգացման
միջազգային
կենտրոն

Պետականեկերտ միավոր՝ թե փոքրամասնություն

Որքան էլ հակասական հնչի, յուրաքանչյուր էթնիկ միավոր՝ անգամ եթե մեկն է շատերից և ոչ ամենաբազմաքանակը, սկզբունքորեն կարող է լինել ոչ միայն փոքրամասնություն, այլև՝ պետականեկերտ միավոր: Օրինակ այսպիսին են ատրպատականցիներն Իրանում: Ատրպատականը դարեր շարունակ եղել է իրանական պետականության հիմքը: Այստեղ են ծնվել իրանականության ու պանիրանիզմի բազում գաղափարախոսական հոսանքներ: Պանիրանիզմի գաղափարախոսության էլիտայի ճնշող մեծամասնությունը ծագում է Ատրպատականից: Ավելին, բազմաթիվ իրանական ազգայնականներ ծագումով էթնիկ փոքրամասնություններից են:

Իրանական ինքնության խճանկարը

Իրանական ինքնության (iranianness) հիմքը իրանամետությունն է, իրանական պետականամետությունը: Հատկանշական է, որ դեռևս մեկ դար առաջ Իրանում կար մեկ միասնական ինքնություն՝ շիա մահմեդականի ինքնությունը: Էթնիկ ինքնությունն Իրանում նախկինում երբևէ չի կարևորվել, օրինակ «թորթև» այստեղ իրանցի թյուրքախոսն է, և ոչ ազգությամբ թուրքը: Այսպես, Իրանի հյուսիսային առնվազն երեք նահանգների բնակչությունը հիմնականում թյուրքախոս է, բայց ոչ անհրաժեշտաբար թուրքազգի: Իրանում թյուրքական ինքնությունը, ըստ էության, դեռևս սաղմնային վիճակում է: Ավելին, Իրանում «ֆարս»՝ «պարսիկ», «պարսկական» անվամբ չկա այլ ինքնություն, քան լեզուն՝ երկրում մեծամասնություն կազմող լեզվական խմբի՝ պարսկախոսների ինքնությունը: Նույն կերպ կան քրդախոսներ և այլն: Մերօրյա Ադրբեջանի Հանրապետության պանթյուրքիստական կողմնորոշումը մեծապես արդյունք է Իրանից զավթած տարածքների իրանական կողմնորոշում ունեցող Հյուսիսային Ատրպատականի թյուրքախոս ժողովրդի հանդեպ ռուսական կայսրության նպատակային և ուղղորդված օսմանիզացման քաղաքականության: Պատահական չէ, որ հենց ռուսական տիրապետության շրջանում է ձևավորվել և լայն կիրառում գտել «ազերի»՝ էությամբ հակաիրանական, նաև՝ հակահայկական, եզրույթը: Միայն այս առումով իրանցի ատրպատականցու շինծու թյուրքական ինքնությունը հակադրվում է իրանականին, ինչի համար ներկայում պարարտ հող է ձևավորվել, որն ավելի ու ավելի են շահարկում թե՛ Թուրքիայի, թե՛ Ադրբեջանի, թե՛ Ռուսաստանի և թե՛ ԱՄՆ-ի ու Իսրայելի առանձին շրջանակներ:

Հիմնական առանցքը՝ կրոնա-դավանական

Ժամանակակից Իրանի Իսլամական Հանրապետությունում իսլամը պետական կրոն է, իսկ շիականությունը՝ գերիշխող դավանանք: Այդուհանդերձ, Իրանում այսօր բնակվում են նաև սուննի մահմեդականներ: Ըստ էության, Իրանում փոքրամասնությունների խնդրի առանցքն առավելապես դավանական է. երկրում ամենամեծ փոքրամասնությունը հենց սուննիներն են: Թեև Իրան-իրաքյան պատերազմը մասամբ հարթեց շիա-սուննի հակասություններն Իրանում, իսկ հեղափոխության առաջնորդ Խոմեյնին ժամանակին իսլամական Էկումենիկ շարժմանը շունչ հաղորդեց, այդուհանդերձ հետագա տարիներին խնդիրն աստիճանաբար սրվեց: Նախագահ Ահմադինեժադի կառավարության տարիներին շիականությունն ավելի անհանդուրժողական բնույթ ստացավ: Հատկանշական է, որ նախկինում դավանական, և հատկապես՝ էթնիկ փոքրամասնությունները երբևէ ներիրանական քաղաքականության սուբյեկտ չեն եղել: Ըստ էության առաջինն Ահմադինեժադն էր, ով փոքրամասնություններին դարձրեց ներքաղաքական պայթյալի սուբյեկտ՝ օգտվելով ազգային ինքնության իր համար բարենպաստ բաժանարար գծերից և էլ ավելի խորացնելով դրանք: Սուննիների և սուննիզմի հանդեպ խտրականության դրսևորումները դարձան ավելի տարածված ու խորը: Այսպես, Թեհրանում բնակվող շուրջ 800 հազար սուննիները ներկայում չունեն մզկիթներ և կրոնական արարողությունները կատարում են հիմնականում իսլամական առանձին երկրների

Երևան 0001
Սայաթ Նովա 19
Հեռ.՝ +374 10 582638
Ֆաքս՝ +374 10 527082

mail@ichd.org
www.ichd.org



դեսպանատներին կից մզկիթներից: Վարչական պաշտոններում նշանակվում են գրեթե բացառապես շիաներ, այդ թվում մեծաթիվ սուննի բնակչություն ունեցող Սիստան վա Բելուջիստան և Խորասան նահանգներում: Մինչդեռ ոչ վաղ անցյալում սուննիներն անհամեմատ ավելի հաճախ էին նշանակվում պատասխանատու պետական պաշտոնների: Պատճառը թերևս Իրանի ազգային անվտանգության և տարածքային ամբողջականության խարսխումն էր հենց իսլամի, և առաջին հերթին շիականության վրա, ինչը խորացրեց բաժանարար գծերն ու դավանական տարբերությունները խտրականության վերածեց: Արդյունքում մեծապես տուժեց, և հավանաբար տուժելու է, իրանականության հայեցակարգը: Նկատենք նաև, որ նախորդ 4-5 տարում Իրանում սուննի-շիա հակամարտության արդյունքում զոհվել է ավելի քան 500 մարդ: Ընդհատակում ծաղկում են սուննի մեդրեսեները, որոնք ֆինանսական աջակցություն են ստանում հարևան Պակիստանից և Սաուդյան Արաբիայից:

Չարևանի տան պատը

Չարգացող և քաղաքականապես կայուն Իրանը Չայաստանի վստահելի ռազմավարական գործընկերն է տարածաշրջանում: Չայ-իրանական համագործակցությունը ծավալվում է Եներգետիկ անվտանգության և բնական պաշարների համատեղ օգտագործման, հաղորդակցության ուղիների, առևտրի և զբոսաշրջության զարգացման, մշակութային, գիտա-կրթական, արդի տեխնոլոգիաների զարգացման, ֆինանսական, առողջապահական և այլ ոլորտներում: Ուստի Իրանի քաղաքական կայունությանը, առավել ևս՝ պետականությանը սպառնացող յուրաքանչյուր մարտահրավեր բախում է նաև մեր դուռը: Այդուհանդերձ, չնայած առկա և դեռ իրենց ժամին սպասող բաժանարար գծերին, ինչպես նաև արտերկրի ծավալուն տեղեկատվական ու քարոզչական ներգործությանը, ներքաղաքական կրոնական-ազգային-ազատագրական բուռն պայքար մերօրյա Իրանում, թերևս, հնարավոր չէ: Իրանական պետականությունը, կարծես թե, ի վիճակի է դիմակայելու ներկա մարտահրավերներին: Թերևս նախորդ տասնամյակում Իրանում ձևավորված մի շարք բաժանարար գծերի արդյունք է Իրանի պետական ծառայողների միջին օղակում կարծես ձևավորված հակահայկական կողմնորոշում ունեցող շերտը, որը որոշակիորեն խոչնդոտում է հայ-իրանական համագործակցության զարգացմանը: Այսպես, այս կամ այն խնդիրը լուծվում է քաղաքական մակարդակում, սակայն արդեն տեխնիկական մակարդակում հաճախ սառեցվում, արգելակվում կամ դանդաղեցվում է: Նման ոչ-համակարգային, ոչ-պետական «սաբոտաժի» շարժառիթները թերևս տարբեր են, սակայն նույնչափ ցավազին: Ամեն դեպքում, ակնհայտ է, որ ամուր պետականություն ունեցող շիական հանրապետություն Իրանը Չայաստանի համար ավելի լավ գործընկեր է, քան աշխարհիկ, սակայն անկայուն և արտաքին ներգործության ազդեցության ենթակա Իրանը: Ըստ Եռթյան Չայաստանն այսօր Իրանի, ու որքան էլ հակասական հնչի՝ Թուրքիայի, տարածքային ամբողջականության և ամուր պետականության ամենամեծ պաշտպանն է: Սա օբյեկտիվ երևույթ է, որի քաղաքական պտուղները պիտի շտապենք ճաշակել: Իսկ առայժմ խիստ ցանկալի է, որ Չայաստանի հասարակական-քաղաքական գործիչներն ու հայկական ՉԼՄ-ները հնարավորինս ձեռնպահ մնան «Չարավային Ադրբեջան» և իրանական ադրբեջանցիներ եզրույթների կիրառումից: «Ազարի», ըստ Եռթյան «ատրպատականցի» եզրը կիրառելի է միմիայն Իրանի հյուսիսում Արևելյան և Արևմտյան Ատրպատական նահանգների բնակչության համար, իսկ Չայաստանի հարևան Ադրբեջանի հանրապետության բնակչության համար պետք է օգտագործել սոսկ «ադրբեջանցի» եզրը, և ոչ երբեք «ազարի»-ն:

Չամառոտագիրը մշակվել է 2009թ-ի հուլիսի 6-ին կայացած՝ «Իրան. ազգային փոքրամասնությունները և սերնդափոխության խնդիրը» վերնագրով քննարկման մասնակիցների կողմից արտահայտված կարծիքների հիման վրա:

Կլոր սեղանին մասնակցում էին անկախ վերլուծաբաններ, պետական պաշտոնյաներ, միջազգային կառույցների ներկայացուցիչներ:

Քննարկումը կազմակերպվել էր Ֆրիդրիխ Էբերտի հիմնադրամի աջակցությամբ: